



UNIVERSITÄTS-
BIBLIOTHEK
PADERBORN

Canones Congregationvm Generalivm Societatis Iesv

Jesuiten

Romae, M. D. XC.

Formula Congregationis generalis.

[urn:nbn:de:hbz:466:1-68269](https://nbn-resolving.org/urn:nbn:de:hbz:466:1-68269)

FORMVLA CONGREGATIONIS Generalis, in quarta Congregatione confecta, & approbata.

Decre. 51. 57. & 59. Cōg. 4.

In quibus casibus cogenda est Congregatio Generalis.

CAPV T I.



V A T V O R in casibus cogenda est necessario Congregatio Generalis, Primus est, Cum Generalis Præpositus eligendus est in locum de mortui, nisi ille obierit tempore alicuius Generalis Congregationis, aut paulo post, vt inferius dicitur. Secundus, Si (quod Deus auertat) aliquid accidat eorum, propter quæ de alio Generali eligendo in locum viuentis deliberandum esse dicitur in nona Constitutionum parte. Tertius, Si quando Assistentes cum Prouincialibus, & Præpositis localibus pluribus inter se suffragijs cogendam iudicarent, vt est in Declaratione octauæ partis. Quartus, Si Generalis cū Assistentibus, & Procuratoribus, qui tertio quoque anno ad Generalem veniunt, cogendam esse statuunt, iuxta ea, quæ in secunda Congregatione definita sunt. Præter hos autē casus, in quibus illa necessario cogenda est, poterit etiam aliquando

Infra §. 53 & 54.

P. 6. c. 4 §. 7. ¶

P. 8. c. 2. lit. C.

Can. 29 Con. 2.

D conuo-

conuocari arbitrio Generalis, vt de aliquibus re-
 P. 8. c. bus magni momenti tractetur, iuxta ea, quæ in
 4. 5. 1. octaua parte Constitutionum habentur.

*De ijs quæ in Congregatione Generali, pro eli-
 do Generali Præposito in locum demor-
 tui, ante quatrimum infor-
 mationum agen-
 da sunt.*

C A P. II.

P. 8. c. 4. 2 **I**N primo casu (de quo tanquam ordi-
 5. 1. nario fusius agendum est) ad solum Vica-
 rium Generalem spectat Congregationem indi-
 cere, conuocare, & vsque ad electionem noui Præ-
 positi dirigere; aut si Præpositus paulo post Con-
 gregationis dissolutionem moriatur, ex eisdem
 Congregatis redintegrare, tempusque ac locum
 ad eam celebrandam præscribere, vt in officio Vi-
 carij explicatius habetur.

P. 8. c. 3 Cum Congregatio in hoc casu fuerit indi-
 5. 5. 2. cta, & spatium temporis conuocandi Societa-
 tem iuxta Constitutiones fuerit elapsum, inchoa-
 ri poterit Congregatio, si iam duæ tertix partes
 Electorum a suis Prouincijs aduenerint.

4 Antequam inchoetur, singuli Prouinciales
 exhibeant Patri Vicario acta suarum Congrega-
 tionum, vt ea cum Assistentibus videat, vt si quid
 dubij de aliquorū particularium legitima electio-
 ne, aut

ne, aut vocatione inuenerint; id totum ad Congregationem Generalem quamprimum deferat, non admissis ijs, de quibus legitime dubitatur, donec ipsa Congregatio de illis constituerit.

5 Ad Congregationem Generalem ante electionem admittentur, & in ea suffragium habebunt Pater Vicarius, ijs, qui ex decem primis Patribus superstitibus fuerint, Assistentes, & omnes Prouinciales, seu Viceprouinciales, ac Electores a Prouincijs missi, de quorum legitima electione, & iure suffragij nihil erit dubij. Procuratores tamen, si qui ex Prouincijs vocari fuerint ad tractanda negotia post electionem, non admittentur ad Congregationem ante electionem, neque ad acta, que in illa fiunt, sicut nec Secretarius nec Procurator Generalis.

Can. 14
Cōg. 4.
P. 8. c.
3. §. 1.
Can. 16
Cōg. 4.
Can. 15
Cōg. 4.
Can. 16
Cōg. 3.

6 Ordo sedendi in Congregatione, & dicendi sententias huiusmodi erit; vt ad dexteram Patris Vicarij, sedent Patres, qui superstitibus fuerint ex decem primis; deinde simul Assistentes, & Prouinciales ordine antiquitatis in sua professione inter ipsos seruato; ad sinistram vero eodem ordine reliqui Professi electores. Atque ad huc finem affigetur in loco Cōgregationis catalogus omniū Electorū cum anno, & die, quo quisque professionem emisit.

Can. 31
Cōg. 2.

7 Postquam Pater Vicarius conuocatis Patribus, qui ad Congregationem venerunt, rationem reddiderit eorū, quæ facta sunt post mortem Generalis ad Congregationem pertinentia; primum omnium decernatur, eos, qui adsunt, legitimam Congregationem, & plenam conficere.

D 2 8 Dein-

8 Deinde, si de aliquorum legitima vocatio-
ne, aut electione Pater Vicarius, & Assistentes du-
bitauerint, id referent ad Congregationem; vt de
illis, antequam admittantur, sigillatim ipsa statuatur,
quid agendum sit.

In 2. Congr. d. 99. 9 Proponatur Congregationi, an suppleri de-
beant omnes defectus, si qui forte acciderint, tam
in Congregationibus Prouincialibus, quam alij
quicumque.

P. 8. c. 3 s. 2. 10 Secretarium per scrutiniū secretum ad plu-
ra suffragia (sicut & ceteros omnes, qui ante ele-
ctionē Generalis eliguntur) eliget Congregatio,
qui tā generali, quam particulari Deputatorū Cō-
gregationi, & Præpositi Generalis electioni sub-
seruiat; cuius officium finis electionis terminabit.

11 In actis omnibus, quæ ante electionem
fient, Vicarius vnicum tantum habebit suffragiū,
cum qualitate præcedendi in casu paritatis.

12 Si Congregatio Romæ habebitur, propo-
natur, qui nam cum Patre Vicario adire debeant
summum Pontificem, ad petendam ab ipso bene-
dictionem, & ad electionem Præpositi, & ad alia,
quæ in Congregatione tractanda erunt.

P. 8. c. 6 s. 4. 13 Eligatur vnus ex Electoribus per scrutiniū
secretum, qui secundam sit habiturus orationem,
sive exhortationem ipso die electionis: eam autē
priusquam recitet, Patri Vicario, & Assistentibus
ostendet, qui, si quid sit mutandum, corrigendum,
vel adijciendum, cum tempestiue admonebunt.

P. 8. c. 6 s. 4. 14 Eligatur vnus extra numerum Electorum,
qui curā habeat includendi Electores ipso die ele-
ctionis,

tionis, cui quattuor alij adiungentur, siue ex Procuratoribus, qui vocati sunt ex diuersis Prouincijs, si qui tales venerint; siue ex alijs Patribus de Societate.

15 Deinde Congregatio per secreta scrutinia eligat, & deputet quinque Patres ex quinque nationibus solitis, Italica, Gallica, Germanica, Hispanica, & Lusitana, de numero Congregatorum, qui cum Patre Vicario, & Assistentibus videant, an aliquid sit, in quo insigne detrimentum passa sit Societas, vel passura esse timeatur, quod singulari prouidentia, atque industria, vel refarciendum, vel curandum sit. De quo, si quid fuerit, conficient ad Electorum vsu Interrogatorium, in quo ea tantum inferantur, in quibus certo constiterit Patribus Deputatis passam fuisse Societatem, aut timeri, ne proxime patiatur. Porro de quibus agent hi Deputati, ea ad plura suffragia transigent, ac totum huius deputationis negotium intra quattuor dies ad summum absoluent.

16 Ad hos autem Deputatos singuli Electores, & ceteri, qui post electionem Præpositi ius suffragij habent, intra biduum a deputatione facta, ferent quæ habent a suis Congregationibus Prouincialibus, vel quæ ipsi notarunt ad hoc negotium pertinentia. Si vero alij ex nostris extra horum numerum, aliquid eiusmodi Deputatis proponerent, non erunt reiiciendi; tamen non erunt prouocandi, vt hoc faciant. Verum informationes eorum, qui ius suffragij non habent, non nisi

In 2.
Congr.
d. 111.

Subscriptæ ab ipsis recipiantur. Qui autem suis suffragiis habent, quamvis sine subscriptione suas informationes dare possint, aliorum tamen etiam Electorum, non nisi subscriptas dare poterunt.

17. Quæ proposita fuerint, duo ex Deputatis cum Secretario, ad certum aliquem ordinem redigent, ut ea, quæ ad eandem rem pertinent, suo loco legantur, & excutiantur in Congregatione Deputatorum; qui præcipua seligent, reiectis alijs, quæ leuiora esse, vel ad Interrogatorium conficiendum non pertinere videbuntur. Neque enim admittenda sunt, nisi quæ ad electionem pertineant, non item quæ agunt de personis, nec etiam de rebus, quæ ad particulares personas referantur, ut sunt querelæ, purgationes, accusationes, & alia huiusmodi, quæ & a Deputatis, & a tota Congregatione (si forte illi proponantur) reiicienda sunt ad deputandos post Generalis electionem.

Infra
§. 62.

18. Interrogatorium a Deputatis confectum, non oportebit, ut publice in Congregatione legatur; sed satis erit, si singulis Electoribus ante inceptum quatrimum, vel saltem initio quatrimum communicetur. Necesse tamen erit, ut Deputati ab Electoribus interrogati circa intelligentiam vel explicationem Interrogatorii, eos informet de statu Societatis in huiusmodi rebus, & de ijs, quæ ipsa passa est, vel passura timeatur; quatenus ad bonam electionem futuri Generalis utile erit.

19. Congregationi Generali ante electionem nihil omnino erit proponendum, quod non ad ipsam
ele-

electionem pertineat, & quæ proponenda videntur, prius a Patre Vicario cum Assistētibus, & Deputatis ad plura suffragia determinentur: si quis vero postea non fuerit cōtentus, licebit illi proponere Congregationi, Ipsa vero Congregatio, et si ante electionem decreta condere non possit, poterit tamen omnia definire, & facere, quæ ad ipsam electionem pertinere, vel conducere iudicabit.

20 Si quædam maioris momenti ad electionē spectantia Congregationi proponenda sunt, vno die proponantur, rationibus vtrunque adductis; in quibus si maior informatio desideraretur, ea a Vicario vel alijs Electoribus petatur; & sequenti die dicantur sententiæ. Hæc vero, & omnia, quæ ante electionem tractanda erunt, ad plura suffragia decernantur. Si quæ autem leuiora proponerētur, pro arbitrio Patris Vicarij, non contradicente Cōgregatione, aut eodem die, aut alio tractentur.

21 Super illud sexti capitis octauæ partis, eiusque declarationis, Quod sub pæna excomunicacionis latæ sententiæ, quisq; teneatur Vicario manifestare, vel alicui ex antiquiorib⁹ Professis, si sciret aliquē hoc munus affectasse, vel etiam tūc affectare directe, vel indirecte id procurādo, vel signo declarando, &c. hæc declaratio adhibetur; quod per tres antiquiores Professos intelliguntur tres antiquiores Professi diuersarum nationū, iuxta diuersitatē earū, ex quibus Assistētes eligi solēt, videlicet Italia: cū Sicilia, Germaniæ cū Gallia Hispaniæ cū Indijs Occidētalibus, Portugalliæ cū Oriē

In 2.
Congr.
d. 107.

P. 8. c.
6. §. 2. &
lit. A.

talibus Indijs, & Brasilia, qui tres Professi cum Vicario (qui & ipse eodem modo diuersæ nationis ab illis erit) eos, qui ob ambitum delati fuerint, iudicabunt iuxta Constitutiones, & Declarationes: eademque censura extenditur in omnes de Societate, quicumque, & ubicunque sint, qui ab obitu Patris Generalis, ad electionem usque pro se, aut pro alijs ambierint, vel qui cum personis Societatis, aut cum externis cuiuscunque status, & conditionis sint, egerint, aut tractauerint, vel litteras, aut fauorem Prælatorum, Principum, aut aliorum procurauerint ad quamuis nationem, vel particularem personam promouendam ad Generalatum, vel alicuius eligendi gratia excludendam. In illos etiam, qui sinceritatem, vel libertatem electionis iuxta institutum Societatis nostræ, quoquo modo directe, vel indirecte impedire, vel corrumpere conati fuerint: Extēditur item ad informationem non sinceram, eam scilicet, quæ studiose mendax est, mala cum intentione, & in re graui. Demum ipso facto ambitionosos pro se, vel pro alijs eo modo, quo supra dictum est, in excommunicationem incidere decernitur, a qua non possint absolui ante electionem nisi a Patre Vicario; post electionem vero à Reuerendo Patre Generali.

22 Qui informationes Electoribus ante cœptam Cōgregationem obtruserint, illos ad Prouincialem Prouinciam, in qua Congregatio celebranda est, ipsi Electores deferre teneantur: & postquam cœpta fuerit Congregatio, ad ipsos Iudices ambitionis,

tionis, vt eos pro criminis eorum grauitate, suo arbitrio puniant.

23 Si ipsemet Vicarius aliquis ex prædictis antiquioribus Professis diuersarum nationum notaretur de ambitu; semper quatuor ex ijs, qui inter prædictos Professos antiquiores erunt, de proposta causa iudicabunt, excluso eo, qui notatus est ambiuisse pro se, aut pro alijs; & eorumquisque, ad cuius aures huiusmodi infamia perueniret; reliquos vocet, vt de ea cognoscatur. Quod si Vicarius in culpa esse iudicaretur, Congregationi ante electionem, & ipsi electioni præerit antiquissimus eorum, qui ad eius dexteram sedebunt. Horum autem Iudicum sententijs sine vlla appellatione omnino acquiescendum est. Quod si alicui videretur, sibi ab illis iniuriam factam esse, ei licebit post electionem apud Congregationem agere. Qui si tamen se sufficienter non purgauerit, iudicio Congregationis punietur.

P.8.c.6.
lit. A.

24 Delationes de ambitu omnes ante ceptum quatrimum iudicentur (nisi in ipso quatrimum deprehensus esset aliquis ambitiose egisse, aut agere) nemine vocato consilij capiendi gratia, qui non sit ex ipsa Congregatione. Omnes autem etiam delatores teneantur secretum seruare cum omnibus, præterquam cum Electoribus in informatione, tempore quatrimum. Quin etiam Iudices antequam sententiam ferant, non debent Electoribus in informatione dicere, quæ tamquam Iudices cognouerint. Si quis autem ex Iudicibus secretum non seruauerit, Iudicis officio, ipso facto, priuatus sit, & a
tribus

tribus alijs excludatur, successio in eius locum alio antiquissimo iuxta prædicta; & post electionem pro Congregationis arbitrio puniatur, sicut & ij, quos ad consilium suum ipsi Iudices vocauerint, & delatores ipsi ac testes secretum non seruantes; ac multo magis, si calumniose egisse deprehensi fuerint.

25 Proponatur ante quadriduum, an expectandi sint absentes ad electionem Præpositi faciendam; & si decernatur non esse expectandos, nihilominus suis illis locus seruandus erit in Congregatione, si venerint.

De ijs, quæ in quadriduo ante electionem, fieri debent.

C A P. III.

P. 8. c. 6. lit. D. P. 8. c. 6. s. 1. 26 **P**rimo die quadridui mane eligatur Assistentis electionis, per scrutinia secreta; post cuius electionem Pater Vicarius ex eo loco, ubi sedet, suam habebit orationem?

27 In ipso quadriduo nullos de Cōgregatione egredietur domo sine licentia Patris Vicarij, qui eam non concedet, nisi re prius collata cū omnibus Assistentibus; cū quibus etiam ipse rem communicabit, si foras ire velit, & utroque in euentu duorum Assistentium assensus expectandus erit. Sed neq. aliorum quisquam permittatur a Superioribus egredi Domo qualibet, aut Collegio loci, ubi Cōgregatio celebrabit, sine vrgenti necessitate, vt Electores infor-

informationibus, & tum ipsi, tum alij Missis dicen-
dis, ieiunijs, & alijs corporis afflictionibus omnes
vacent; partitione in autem ieiuniorum, discipli-
narum, & orationum, quæ tunc fieri debebunt, Pa-
ter Vicarius pro suo arbitrio faciet.

P. 8. c. 6
§ 1.

28 In eodem quatruiduo omnes Electores, ne-
mine excepto, informationem petent, idque solū
ab Electoribus, & ceteris, qui post electionem ius
suffragij in Congregatione Generali habent; ita
tamen, vt hi eadem leges subire in ipsis informa-
tionibus teneantur, quas Electores.

In 2.
Congr.
d. 108.
& Can.
17. Co-
gre. 4.

29 Peti autem informationes debent de ijs, de
quibus venit in mentem vniciuique, quod possent
esse idonei ad munus Præpositi Generalis, siue ab-
sentes, siue præsentis sint, inter Professos tamen
quattuor votorum.

P. 8. c. 3
lit. A. &
c. 6. lit.
B.

30 Defectus, qui bonæ electioni aduersari pos-
sunt, & peti, & dici debent, omittis illis, quæ ad eam
non faciunt; atque hæc iuxta Constitutiones, &
præcipue iuxta secundum caput nonæ partis, &
iuxta Interrogatorium, quod a Deputatis confi-
cietur, vt dictum est. Sed & habenda est ratio eo-
rum, quæ in secundo & tertio capite Examinis, &
similiter in secundo & tertio capite primæ partis
Constitutionum dicuntur, quatenus ad bonam
Præpositi electionem faciunt. Ex ijs enim quisque
sibi Interrogatorium ad informationem confice-
re potest; nemo tamen arctandus videtur, quin
interrogare possit alia, quæ interroganda præterea
iudicauerit.

Supra
§. 18.

31 Peti etiam debebit ab eo, qui reddit infor-
mationem,

mationem, an quid aliud habeat dicendum de persona, de qua interrogatur, & an de alia sentiat capiendam esse informationem, & an ab alio quopiam aliqua in re clariorem, ac certiozem informationem habere possit inter eos, a quibus ea peti debet.

In 2.
Congr.
d. 106.

32 Non petatur, an hic vel ille aptus videatur ad hoc munus, nec ne; sed de rebus illis, ex quibus id iudicari possit. Sit porro intentio eius, qui informationem petit, pura ab affectibus inordinatis, neque se permittat ab humanis, nedum vitiosis duci, & solam Dei gloriam, & meliorem Societatis gubernationem (quæ ad commune bonum animarum ordinatur) præ oculis habeat.

33 Nec solum ab omni ambitione pro se, vel pro alijs sit liber, sed diligenter observare debet, ne voluntatis propensionem ad hunc, vel illum excludendum, vel admittendum habeat, aut præ se ferat. Cum autem informationem de aliquo accipit, seruet alteram aurem alijs, & cor Deo; memor, quod cum iuramento est electurus, quem apertissimum duxerit.

34 Si quis graue aliquid in informationibus intellexerit, quod secretum requirit, teneatur in virtute Sanctæ Obedientiæ, præterquam cum Electoribus, secretum seruare: memorque caritatis, caueat ne vlla ratione cuiquã significet defectus, si quos de illo audiuerit, nominata potissimû persona, a qua narrati sint, aut aliquo modo indicata.

35 Post informationem consideratio, & discussio necessaria est, & multo magis oratio, quæ illustra-

strationem impetret a Deo Sapientiæ fonte, ad bene iudicandum, & eligendum eum, qui Deo maxime sit placiturus; & in hac diuina gratia potius, quam in humana diligentia spem constituat. Proinde meminerit non solum voluntatem, sed iudicium cohibendum esse ab vltima definitione, donec in locū inclusionis ingrediatur, vbi post orationem quisque statuere debet, quem sit electurus. P.8.c.6
S.1.

36 Nemo obtrudat informationem non petenti, & qui obtruserit, deferatur: caueat & is, qui petenti respondet, affectus humanos, non solum ambitionis, sed etiam cuiusuis propensionis, quæ non ducatur ex intentione honoris Dei, communis boni, & bonæ gubernationis Societatis.

37 Non solum mendacia, sed amplificationes, & exaggerationes relinquuntur: nihil temere, sed considerate, & mature, certa pro certis, opinata pro opinatis, audita pro auditis, referat; vt qui coram Deo agit, & ei rationem est redditurus eorum, quæ in sua informatione dixerit. Qui vero alicuius defectum ab aliquo ex informatoribus audiuit, aut alijs explicet iuterrogatus (nominato tamen eo, a quo audiuit) aut interrogantem ad illum remittat.

38 Pridie electionis vesperi in loco electioni deputato parentur altare cum Crucifixo, suggestus, & mensa (in qua Vicarius, Secretarius, & Assistens sedebunt) & vrna, in qua conijcienda sunt suffragia: parentur item schedulæ, quot.

P. 8. c. 6
§. 6. &
lit. F.

quotquot erunt necessariae, in quibus ex vna parte scriptum sit iuramentum, vt est in Constitutionibus hoc pacto. Ego N. testem inuoco Iesum Christum, qui est sapientia aeterna, quod eum eligo, & nomino in Praepositum) Generalem Societatis Iesu, quem sentio ad hoc onus ferendum aptissimum. Ex alia vero parte ponantur haec verba. Eligo in Praepositum Generalem Societatis Iesu N. ita vt nihil desit Electori scribendum, nisi nomen electi & eligentis. Quod autem omnes iurent se eum eligere, quem tulerint in Domino aptissimum ad hoc onus ferendum &c. Declaratum est, quod si quis duos, aut plures pares omnino iudicaret, integrum sit ei dare, cui voluerit, suffragium.

De ijs, quae ipso die electionis, obseruanda sunt.

C A P. IIII.

P. 8. c. 6
§ 3.

39 **I** Pso die electionis, Missa de Spiritu sancto celebrabitur a Patre Vicario, vel ab eo, quem elegerit, & quidem publice in Ecclesia, ac in aurora, & coram omnibus Electoribus, qui post eius Communionem, statim omnes, communicabunt, & eundem ordinem in eundo ad eam, & communicando, & redeundo, de quo supra dictum est, seruabunt. Incedant autem bini, & ad campanae domesticae pulsus, quae post communionem vsque ad inclusionem in loco Congregationis sonabit. Ij, qui suffra-

Supra
§. 6.

fuffragium habet ad locum Congregationis se conferent, cruce procedente, alijs de Societate interim canentibus, Veni creator Spiritus, quæ Hymnum alternatim submissa voce omnes Electores in ipso Congregationis loco dicent, & post inclusionem Electorum, iidem de Societate in Ecclesia, vel alibi, dicent Litanias, & continuam orationem, quæ usque ad electionem durabit, habebunt.

40 Includantur autem Electores in loco Congregationis per Deputatos iam antea ad hoc electos; ita ut nec inde egredi, nec eis aliquid ad victum præter panem & aquam dari possit, donec Præpositum Generalem elegerint. Quo in loco servabunt omnes silentium, ita ut vnus cum alio non colloquatur in ijs, quæ ad electionem pertinent, nisi quid esset, quod necessarium videretur, & id quidem coram omnibus dicendum esset. Nulla tamen protestatio in eo loco admittenda erit; nec quicquam aliud a quocumque proponatur, quod electionem impedire, perturbare, aut differre vlllo modo possit.

41 Inklusis Electoribus primum habeatur con-
 cio a Deputato per Congregationem, qua, in genere, exhortetur ad electionem eius Præpositi, qui ad maius Dei obsequium conveniat, nullo dato signo quo particularis aliqua persona significetur. Deinde vnusquisq; seorsim orabit Deum per horam, & cum nullo alio loquendo, in Creatoris sui ac Domini conspectu, ex ijs, quæ prius intellexit, apud se statuet, quæ sit electurus absque novis informationibus, quæ nullæ sumenda sunt in loco inclusionis;

P. 8. c.
6. §. 4.

P. 8. c.
6. lit. C.

P. 8. c.
6. §. 4.

P. 8. c.
6 §. 3.

nis sed ex precedentibus, cum gratia tam illustrationis, quam discursus accepta a Deo, & prius, & eodem loco, electionem faciet Præpositi Generalis, quem inter absentes, & præsentés, Professos tamen quatuor votorum, eligi oportet.

P. 8. c. 42 Peracta oratione Pater Vicarius stans ceteris omnibus hanc absolutionem dabit. Ego N. Vicarius Generalis Societatis Iesu auctoritate Dei Omnipotentis, mihi licet indignissimo per sedem Apostolicam concessa, Absoluo vos a quavis sententia excommunicationis, suspensionis, & interdicti, & a quibusvis alijs sententijs, censuris, & pœnis, & quantum sit opus, dispenso vobiscum super irregularitate quavis, dummodo sententias, censuras, & pœnas, ac irregularitatem huiusmodi ob defectus ad electionem hanc pertinentes non incurreritis, ad effectum legitimæ electionis, In nomine Patris, & Filij, & Spiritus sancti Amen. Quam eandem absolutionem dabit Vicarius is, qui fuerit professione antiquissimus. Quod si forte post absolutionem constiterit aliquem ex Electoribus ipso electionis tempore censura aliqua, aut irregularitate fuisse innodatû, ob defectum aliquem ad electionem pertinentem, nulla ratione id Præposito noccebit, quominus legitime electus censeatur.

P. 8. c. 43 Data absolutione, si omnes communi inspiratione, non expectato ordine suffragiorum quæpiam eligerent, ille sit Præpositus Generalis; omnem enim ordinem, & eligendi formulam Spiritus sanctus, qui ad eiusmodi electionem eos movet, facile supplet,

supplet: eaque acceptari debet, modo adeo luculenta esset, & notoria, ne vlllo quidem dempto, vt nulla tergiversatione negari posset Diuinam esse inspirationem.

44 Quando eo modo non peragetur electio, vnusquisque in charta propria manu scribet nomē personæ, quam eligit in Præpositum Generalem, & nomen suum subscribet, sed immutato, quātum fieri poterit caractere, ne agnosci possit à tribus illis, qui suffragia visuri, & lecturi sunt; nomen tamen eligentis maneat ob signatum, iuxta Concilium Tridentinum, in quo præcipitur Generales eligi debere per vota secreta, ita vt singulorum eligentium nomina nunquam publicentur. P. 8. c. 6. s. 6.

45 Deinde cum ad sedes suas omnes conuenerint, Pater Vicarius, Secretarius, & Assistens, stantes ad mēsam singuli coram Deo, vt singulis quadrat, se sincere accepturos, & publicaturos suffragia iurabūt, in hunc modum, Testem inuoco Deū, cuius oculis omnia nuda sunt, me fideliter accepturum, & publicaturum suffragia, & quæ ad officium meum pertinent, sincera cum intentione me præstiturum. Protestor etiam in Diuinæ Maiestatis conspectu, & vniuersæ Societatis, quam hic repræsentamus, me neminem admittere velle, qui non sit admittendus, nec excludere, qui nō sit excludendus. P. 8. c. 6. s. 6.

46 Hac protestatione facta, statim tentandum erit Primum scrutiniū. Quo circa Secretarius stās ad mensam dicet Vicario, Pater da tuū suffragium in nomine Iesu. Mox Vicarius surgens ad altare,

E flectet

flectet genua coram Crucifixo, & signans se Cruce In nomine Patris, & Filij, & Spiritus sancti, legat iuramentum a tergo schedula scriptum: deinde surgens, & duobus digitis clausum suffragium suum ostendens, in urnam mittet: & se rursus inclinans coram Crucifixo redibit ad locum suum; & mox dicet duobus socijs suis, & ceteris; Omnes ordine ferant sua suffragia in nomine Iesu. Deinde surgens Secretarius, & Assistent, & postea reliqui suo ordine sigillatim iuramentum facient, & sua suffragia ferent ad exemplum Patris Vicarij.

47. His peractis Secretarius ex urna, in qua prius mista fuerint suffragia, ea sigillatim extrahat, & cum modestia extracta singula ostendet Patri Vicario: ille autem visa, & utrique socio ostensa leget publice, vel Secretario legenda reddet; & in hac promulgatione electus tantum nominetur, ob signato manente nomine eligentis, ut dictum est.

Supra
S. 44.

P. 3. c.
6. S. 6.

48. Post singulorum suffragiorum publicationem, conferentur numeri, si plures nominati fuerint: & qui plusquam mediam partem omnium suffragiorum habuerit, Generalis Præpositus erit. Si tamē numerus omnium electorum impar fuerit, ac proinde mediam partem non habuerit, is censeatur habere plusquam mediam partem suffragiorum, cui ex duabus partibus maior obtigerit. Si vero in primo scrutinio nullus habuerit amplius, quam medietatem suffragiorum, ante Compromissariorum electionem, tētandum eodem pacto erit secundum scrutinium
inter

inter omnes, qui habuerunt suffragium aliquod. Si autem neque in secundo crearetur Præpositus eodem modo tertium tentandum erit, & si opus erit quartum, aut etiam quintum. Quod si nec tū quidem crearetur Præpositus, Congregatio, si ei videatur, vltius progredi poterit in scrutinijs, donec Generalis electus sit; sin vero post quintum scrutinium Congregatio, ad duas saltem tertias suffragiorum partes, censuerit Compromissarios esse faciendos; tunc quinque Electores ex quinque diuersis nationibus solitis; ad plura medieta- te suffragia, eligendi erunt: & ad quem maior pars eorum inclinabit, (seruata ab his ea- dem electionis forma) ille Præpositus Genera- lis erit.

P. 8. c. 6

§. 7. q. 1

102

49 Ad hos quinq; Electores eligēdos dāda est vna hora, & seruāda est in eorū electione hæc for- ma iurādi: Testē inuoco Iesum Christū, qui sapien- tia est æterna, quod ego N. illū eligo, & nomino in Præpositum Generalem Societatis Iesu, quē Ele- ctōres ad id cōstituti elegerint, & nominauerint; quodque ad hoc illos eligo in Cōpromissarios, quos sentio ad id munus aptissimos. Deinde scri- bētur suffragia pro singulis Cōpromissarijs eligen- dis, seruata eadē & ferendi, & publicandi forma, quæ seruatur in electione Generalis, excepto iura- mento. Si vero contingeret duos vni, & totidem al- teri suum dare suffragiū; tunc decidetur a Congre- gatione quid erit agendum. Eligent autē hi Com- promissarij Præpositum Generalem ex ijs, qui ali- qua suffragia habuerint, sepositis illis, qui ad tria

P. 8. c. 6

lit. H.

103

102

104

103

non pertigissent. Quod si duo, vel tres valde magno excessu plura suffragia habuerint, quam alij, illi nec actiuam, nec passiuam vocem ad electionem Compromissariorum habebunt.

50 Quouis modo ex prædictis suffragiorum numerus sufficiens ad creandum Generalem exierit, Pater Vicarius, si ipse electus non fuerit, significabit publice plura esse medietate suffragia eius, qui eligitur, & mox conficiet decretum in hanc formam. Cum in plena, & legitima Congregatione collato numero omnium suffragiorum plusquam media pars omnium, Reuerendum Patrem N. nominauerit, & elegerit, Ego N. auctoritate sedis Apostolicæ, & Vniuersæ Societatis eligo prædictum Reuerendum Patrem N. in Præpositum Generalem Societatis Iesu, In nomine Patris, & Filij, & Spiritus sancti Amen. Romæ, vel alibi. Si Vicarius ipse electus esset, publicabit suffragia, & formabit decretum Secretarius, scribeturque a Secretario decretum, & subscribetur ab eo, qui id formauerit, sigilloque Societatis obfirmabitur.

P. 8. c. 6
s. 8. 51 Post promulgationem nulli integrum erit aliam electionem tentare; & hoc obseruet, qui schismaticus, & ruinæ Societatis auctor haberi nolit, & in pœnâ excommunicationis latæ sententiæ incidere, aliasque graues censuras subire pro arbitrio Societatis, cui vnio & cõformitas omnimoda ad Dei gloriam cõuenit. Deinde statim omnes ad reuerentiam electo Præposito exhibendam accedant, incipiente Vicario cum Secretario, & Assistente,

P. 8. c. 6
s. 6.

stente ordine prius dicto, nisi aliquis ex ipsis electus esset; & flexo utroque genu manum eius osculentur. Qui vero electus fuerit, nec electionem, nec exhibitam reuerentiam (memor cuius nomine eam admittere debet) recusare poterit.

52 Post exhibitam reuerentiam moneantur inclusores a Secretario de Generalis electione, & in ipso Congregationis loco statim comburantur suffragia. Deinde omnes ad Ecclesiam se conferant, canētibus alijs de Societate, Benedictus Dominus Deus Israel, &c. inter eundem, & in ipsa Ecclesia, Te Deum laudamus: Et vnus Sacerdos dicat tres orationes, primam de Trinitate, secundam in gratiarum actionem, tertiam de die, vel de Beata Virgine; & vsque ad egressum de Ecclesia Præpositus non admittat oscula manuum ab alijs, quam ab Electoribus.

Quid agendum, si Generalis in ipsa Congregatione, aut paulo post e viuis decedat.

C A P. V.

53 **S**I Præpositum Generalem e viuis decedere cōtingat ipso Generalis Cōgregationis tempore, vel certe statim post dissolutam Congregationē, Patribus Congregationis adhuc in eo loco, vbi habita est Congregatio, cōsistentibus; tūc si nullus a Generali de mortuo Vicari^o nominatus

E 3 fuerit,

fuerit antiquissimus veterum Assistentium Congregationi, & electioni præsidebit. Ad summum autem biduo post sepulturam absoluentur informationes, vt die tertio post illam, electio successoris fiat. Post electionem vero non erit opus eligere novos Assistentes, aut Admonitorem nouum: satis enim erit, si Assistentes, & Admonitor prædecessoris confirmentur, nisi eorum aliquis in Generalem electus esset.

54 Si vero Præpositus Generalis moriatur postquam aliqui ex Electoribus abierint, ex eo loco, in quo habita fuit Congregatio, & ij Vicario & congregatis, qui remanserunt, intra breue tempus videbuntur reuocari posse, reuocentur, & procedatur statuto die ad electionem noui Generalis: Et vbi redintegrata fuerit Congregatio, sedeant omnes & sententias dicant, quemadmodum antequam Congregatio dissolueretur; etiamsi alij ad alia officia mutati sint, aut alijs Prouincijs assignati.

Quo pacto procedendum sit in ceteris casibus initio propositis.

C A P. A V I.

55 **S**I secundus casus initio propositus (qui cum Dei gratia speratur non euenturus) incidisset, vt Generalis Præpositus propter quædam, quæ capite quarto nonæ partis Constitutionum continentur, officio priuandus videretur, ad Assistentes spectat Congregationem generalem cogere, nisi res adeo mani-

P. 9. c. 4
§ 7.

mani-

manifesta esset, vt Prouinciales non expectata Assistentium conuocatione, alij alios vocando, singuli cum duobus socijs per Congregationem Prouincialem electis conuenirent. Quo autem pacto in hac Congregatione, & cogenda, & celebranda procedendum esset; capite quinto eiusdem partis paragrapho quarto, & quinto præscribitur.

56 Tertius casus euenire potest, si Generalis Præpositus valde negligens, vel remissus fuerit in rebus magni momenti ad eius officium pertinentibus, propter corporis grauē aegritudinē, aut senium, spe emédationis ea in parte sublata, vnde multū detrimētū publicū bonū pateretur. Tunc enim, si neq; ipse admonitus Coadiutorem sibi, aut Vicarium cum approbatione maioris partis Prouincialium substituerit, neque maior Prouincialium pars approbatione duorum Præpositorum localium, vel Rectorū vniuscuiusq; Prouinciæ, vt habetur capite quarto nonę partis paragrapho sexto, eiusmodi Coadiutorē, aut Vicarium elegerit, poterunt Assistentes (si maior eorum pars ita iudicauerit) Prouinciales, & Præpositos locales monere, vt per transmissas litteras sententiā de cogenda, vel nō cogenda ad eā rē Congregatione dicāt. Quod si omnes, ad plura medietate suffragia, cogendam iudicauerint, cū id Generali significauerint Assistentes; tenebitur Generalis Congregationē indicere, idq; illi gratū esse oportebit, & ut huiusmodi Congregatio magna cū diligētia fiat, dare operā debebit; vt in declaratione octauæ partis, constitutum est: P. 8. c. 2. lit. C.

procedeturque in ea celebranda eo modo, qui in Constitutionibus capite quinto nonæ partis paragrapho sexto, præscriptus est. Et fient pro bono eius successu, quemadmodum & in secundo casu, sacrificia & orationes in Societate, prout Generali aut Assistentibus, (si ipsi Congregationem indicerent) in Domino videbitur.

Can. 29 57 In quarto etiam casu, quando videlicet in
Cõg. 2. Congregatione Procuratorum id decernetur, ad eundem Generalem Præpositum spectat Congregationem indicere, quemadmodum, & quando-
P. 8. c. 4 cumque ipse per se cogendam iudicauerit, vt in
S. 2. octaua, & nona Constitutionum partibus sæpius
P. 9. c. dicitur. In vtroque autem casu (sicut & in omni-
3. S. 12. bus prædictis postquam absoluta fuerint illa, propter quæ præcipue Congregationes coactæ sunt) de ijs rebus tractabitur, quæ & graues sint, & ad statum Societatis pertineant, aut difficiles admodum videantur; & quæ a Generali cum suis Assistentibus expediri nequeant. In quibus tractandis sequens methodus seruabitur.

Methodus procedendi in Congregatione generali, quandocumque in ea, peracto principali negotio, aut statim a principio de alijs rebus agitur.

C A P. V I I.

58 **P**raepositus Generalis præest Cõgregationi
ni

ni Generali post electionem, ad quem pertinet eam in omnibus dirigere: in illa autem ipse duo suffragia habet, & præterea qualitatem præcedendi ceteris paribus iuxta Constitutiones.

P. 8. c.

3. §. 2.

P. 8. c. 4

§. 1. &

c. 7. §. 1.

59 In Congregatione Generali post electionem de rebus grauioribus, de quibus in ea necessario tractandum est, quam expeditissime fieri poterit tractetur. Eæ vero sunt, quæ a Generali cum Assistentibus definiri non possunt. Ante omnia autem ad bonam rerum omnium determinationem, diuinum auxilium, initio singularum sessionum, priuata aliqua breui oratione est implorandum, iuxta consuetudinem: In prima tamen sessione dicatur simul ab omnibus alternatim, & submissa voce Hymnus, Veni Creator Spiritus, cū sua oratione.

60 Præter eos, qui habuerunt suffragium in electione Præpositi Generalis, vocandi sunt Procuratores, Generalis, & Prouinciarum, si qui præsentibus fuerint, & Secretarius Generalis Præpositi demortui, & si quis alius habeat suffragium in Congregatione post electionem iuxta Constitutiones, & Dècreta, si de illis omnibus constet; quod legitime ad Congregationem accesserint. Quod si de aliquo erit dubitatio, non admittatur, donec Congregatio de illo constituerit. Et omnes in suo gradu & ordine sedeant, sic scilicet, vt si Professi fuerint quattuor votorum, sedeant inter Electores iuxta ordinem antiquitatis suæ professionis; reliqui vero omnes post Electores hoc ordine sequantur. vt primo loco sint Professi trium votorum

Ca. 16.

Cõg. 3.

In For.

Congr.

Prou.

§. 26.

Can. 15.

& 16.

Cõg. 4.

Can. 15

Cõg. 3.

Can. 19

Cõg. 4.

votorum. Secundo, Coadiutores formati. Tertio, ceteri omnes iuxta antiquitatem sui gradus in Societate.

In 2.
Cōg. d.
90. &
100.
61 Deinde ad plura suffragia secreta eligendus est Secretarius Congregationis; cui adiungendi sunt duo alij Patres eodem modo electi, qui eum ad numeranda suffragia, & conficienda Decreta adiuvent.

In 2.
Cōg. d.
5. & in
3. Cōg.
d. 5.
62 Item deputandi sunt quinque; aut plures Patres, ad plura suffragia, ex varijs nationibus, maxime ex ordine Prouincialium, & Assistentium (alijs tamen non exclusis) qui vna cum Patre Præposito decernent, ad plura suffragia, quæ reiicienda, quæ ad ipsum Patrem Præpositum referenda, & quæ in Congregatione proponenda erunt. Quæ autem proponenda visa fuerint, Secretarius cum aliquo ex Deputatis in vnum colligat, & in ordinem redigat. Porro ipse Pater Præpositus in hac, & alijs deputationibus, vt Definitorum, vnum tantum suffragium habebit, cum prærogatiua præcedendi, vbi vota fuerint paria. Adsit etiam Secretarius, aut alter eius Sociorum, qui, quæ opus fuerint, scribat.

In 1.
Congr.
titul. 1.
d. 8.
63 Ne quisquam eorū, qui non sunt de Congregatione ea durāte, in rebus, quæ in illa tractantur, se immisceat, aut earum statū, & progressum a cōgregatis interroget, illisque vel memorialia, vel informationes obtrudat, aut, vt hanc, vel illam sententiam sequantur, sollicitet (de qua re Cōgregati eos, quos sic agere deprehēderint, admonere tenebūtur) sed si quis aliqua proponere voluerit,
ca ad

ea ad Secretarium Congregationis, aut ad aliquem ex Deputatis ad seligenda ea, quæ proponenda sunt, deferat.

64 Proponantur Congregationi primo loco, P. 8. c. 7.
quæ Pater Præpositus attulerit: deinde quæ quisq; S. 2.
Prouincialis, & Socij, seruato inter eos ordine antiquitatis iuxta Constitutiones: tum quæ ab alijs, qui de Congregatione non sunt, proposita fuerunt Deputatis, & ab ipsis digna iudicata quæ proponantur: quarto denique loco, quæ quisque voluerit de ijs, quæ a se proposita Deputatis, & ab illis reiecta fuerint, si minus illorum iudicio acquirerit.

65 Post electos Deputatos, assignetur dies ad electionem Assistentium, & Monitoris, iuxta formam electionis eorum inferius præscriptam, vt quamprimum circa Patrem Præpositum suo munere fungi possint. Interim de negotijs agi poterit. Can. 31
Cõg. 2.

66 Non solum in vniuersum, sed nec particulatim de Constitutionum substantialium nostri instituti mutatione agendum est. De aliorum mutatione in Congregatione tractari poterit: Sed sine experimento, vel ratione clarissima nihil mutetur; licet tamen de omnibus declarationem petere, referendo ad Congregationem, vt ipsa censeat qua declaratione sit opus. In 1.
Congr.
tit. 2. d.
2. & in
2. Congr.
d. 9.

67 In rebus grauioribus, cuiusmodi sunt, quæ in Congregatione generali necessario veniunt tractandæ, vno die ré proponi, & alio confici oportet: ita tamé, vt eorû, quæ proponêtur rationes ab ijs, qui proposuerint, verbo, si videbitur, explicêtur: In 1.
Congr.
titul. 1.
d. 4.

sed

sed omnino scriptæ in medio relinquuntur, vt omnes eas considerare possint. Siqua alia proponentur, eodem, aut alio die, pro arbitrio Patris Præpositi, tractabuntur. Curabunt autem Deputati, ne aliquando desit, quod in Congregatione tractetur.

68 De substantialibus nostri instituti, quemadmodum in prima, & secunda Congregatione statutum fuit, & superius paragrapho sexagesimo sexto dictum est, nihil omnino agendum est in Congregatione. De ijs vero, quæ pertinet ad alias Constitutiones vel condendas, vel immutandas; & alijs grauioribus, vt alienare, vel dissoluere Domos, vel Collegia semel erecta, & similia; semper ad plura medietate suffragia, decernendum est. De ceteris vero minus grauibus ad plura suffragia definire possit Congregatio.

69 In dicendis sententijs curandum est, vt breuiter, libere, & sincere, coram Deo re considerata, cum modestia dicatur; nec qui posteriores dicunt, priorum dicta inutiliter cum iactura temporis, & aliorum tædio repetant.

70 Si negotiorum multitudo, aut qualitas ita exigent, deputationes fieri poterunt a Congregatione, vel ex commissione a Patre Præposito, ad ea tractanda, & ordinanda, ad quæ fuerint deputati, qui postea ad Congregationem referant, vt ea de illis diiudicet, statuatur, aut ad Definidores reijciat, si eligantur.

Can. 20 71 In ijs casibus in quibus Definidores eligi oportebit, seruetur decretum quadragesimum octauum
Cogn. 4
Congre-

Congregationis quartæ; vt scilicet ad duas saltem tertias suffragiorum statuatur, an eligendi sint Definitores, de quibus Constitutiones parte octaua capite septimo paragrapho tertio loquuntur. Definitores vero ad celerio-rem negotiorum expeditionem ad plura medietate suffragia, & in vtroque casu vtriusque generis Definitores ad plura medietate suffragia eligantur: & posterioris quidem generis Definitores ad ea definienda, quæ Congregatio specialiter illis commiserit, & cum ea potestate, quam eadem Congregatio tunc illis dandam esse iudicauerit.

72 Quoties autem eiusmodi Definitores eligendi erunt, ij ex varijs nationibus, quantum fieri poterit, eligantur: qui quidem cum Patre Præposito de omnibus specialiter sibi commissis ad plura suffragia definiant, iuxta Constitutiones, & facultatem a Congregatione sibi traditam. Porro decreta, quæ ab eis condentur, parieti affigenda sunt, vt melius considerari possint, & postea Congregationi publice proponenda.

P. 8. c.
7. 5. 3.

73 Post decretum Congregationis plenæ, conceditur cuius vna intercessio, id est, facultas contradicendi in re quauis. In abrogatione autem alicuius veteris Constitutionis, vel nouæ introductione, etiam duæ intercessionis permittuntur. Sed cum de decretis Definitorum agitur, apud eosdem Definitores intercedetur, nisi Congregatio id sibi in aliqua re particulari reseruauerit. Standum est nihilominus, siue semel, siue bis intercedatur, eorum definitioni, penes

In. 1.
Congr.
tit. 1.
d. 9.

penes quos fuerit definiendi facultas.

In 2.
Congr.
d. 98.

74 Librum habeat Secretarius Congregationis, in quo, quæ confirmata erunt Decreta, continentur: & ea quidem ante dissolutionem Congregationis, simul leget in plena Congregatione, & sua manu subscribet, & sigillo Societatis muniet.

In 1.
Congr.
titul. 7.
d. 1.

75 Non est dissoluenda Congregatio pro solius Præpositi Generalis arbitrio, sine consensu ipsius Congregationis, quæ Generali Superior est. Sed priusquam dissoluatur, desumantur Canones ex actis post electionem cuiusque generalis Congregationis, qui ad observantiam, & praxim communem pertinent, & seorsim soli imprimantur, & euulgentur ab ipsamet Congregatione approbati.

76 Quotiescunq; tractatur de negotijs in Congregatione generali, quacunque ratione illa cogatur, prædicta methodus seruanda erit.

77 Absoluta Congregatione, omnes alternim submissa voce dicant, Te Deum laudamus, & in fine aliquis eorum vnâ, aut plures orationes in gratiarum actionem recitabit.

De Electione Assistentium.

C A P, VIII.

P. 9. c. 5
s. 3.

78

Assistentes post electionem Generalis paucis interiectis diebus ab eadem Congregatione, quæ Generalem elegerit, eligantur: Viri quattuor, ex quattuor nationibus in quantum fieri possit,

possit, iuxta vniuscuiusque conscientiam (ex Italia
 scilicet, & Sicilia vnus: Alter ex Germania, & Gal
 lia: Alius ex Hispaniæ Prouincijs: Alius ex Pro-
 uincijs Lusitanæ) Professi quattuor votorum, bo-
 ni, fideles, Societatis, & boni cōmunis amatores,
 discretionis dono præditi, in rebus gerendis ver-
 sati, & ad cōuersationem cum hominibus idonei;
 ad conseruandum inter se, & cum Superiore pacē,
 & unionem apti, & omnino tales, quales in ipso-
 rum Regulis describuntur, siue præsentēs, siue ab-
 sentes sint, vt in prima Congregatione decre-
 tum est.

Congr
 d. 25.

In 1.
 Congr.
 titul. 6.

d. 1.
 In 2.

Congr.
 d. 4. &
 in 3.

Congr.
 d. 25.

79 Ad capiendas informationes quattuor die-
 rum spatium concedatur, ante quod tempus ne-
 mo informationem petet, nemo dabit: ipso vero
 quatrinduo & petere Electores omnes, & soli de-
 bent, de quibus, & a quibus in Domino visum
 fuerit; modo ab ijs tantum, qui ad Congrega-
 tionem venerint, siue Electores, siue Procurato-
 res sint, & interrogati informationem negare non
 poterunt,

80 Quas informationes vt melius capiant, ex
 ijs, quæ initio huius capituli dicta sunt, quæque
 in Regulis Assistentium fusius explicantur, tum
 etiam ex nona parte Cōstitutionum, capite quin-
 to paragrapho secundo, & ex secundo & tertio ca-
 pite primæ partis, & Examinis, sibi quisque Inter-
 rogatorium conficiet, & ex Interrogatorio etiam
 confecto, ad electionem Generalis sibi delumere
 poterit, quæ ad hanc electionem pertinere iudi-
 cauerit,

81 Et qui petet, & qui dabit informationem, puram ac sinceram intentionem habeant, solā maiorem Dei gloriam, & meliorem Societatis gubernationem intuentes, & caueant ne humanis, & inordinatis affectibus in informatione ducātur. Nemo igitur non petenti informationem obtrudat; nemo, quæ ad rem non pertinent curiose petat; nemo mendacijs, aut amplificationibus, & exaggerationibus utatur: sed omnia considerate, mature, & fideliter, certa pro certis, opinata pro opinatis, audita pro auditis referat, cum, a quo audierit, nominando, & ad ipsum, eum, qui informationem petit, remittendo.

82 Si quis autem, siue ex Congregatione, siue non ex Congregatione fuerit, aut in ipsis informationibus, aut extra illas ambitiose egerit, ut vel ipse, vel alius eligatur, aut etiā alicuius eligendi causa alius excludatur, Excommunicationis lætæ sententię pœnam eo ipso incurrat, à qua a solo Generali absolui possit. Qui vero id sciuerit, in virtute sanctę Obediētię teneatur ad Generalem deferre. Quod si probatū fuerit sufficiēter actiua, vel passiuā, vel vtraq; etiā voce priuetur, aliave maiore, vel minore afficiatur pœna, prout delicti grauitas, & probationis certitudo postulabit, iuxta Cōstitutiones octauæ partis capite sexto paragrapho secundo. Iudices autē eius causæ erūt Generalis, & tres antiquissimi eiusdē Cōgregationis Professi diuersarum nationū, prout in electione Generalis habet supra paragrapho vigesimo primo. sed non nisi tribus in eādē sententiā cōuenientibus
condemnari

condemnari poterit. Non deferentes vero, siue fuerint ex numero Congregatorum, siue non præter poenam peccati mortalis, arbitrio Generalis punientur.

83 Si quid quis intellexerit in informationibus, quod secretum teneri debeat, nemini præterquam electoribus in informationibus specialiter, aut generaliter interrogatus indicabit. Et quod deseruando silentio dictum est in virtute sanctæ obedientiæ præceptum esse intelligatur; in re tamen graui, idest si res eiusmodi fuerit, vt aut Societati, aut psonæ alicui Societatis aliquid ignominie, vel detrimeti afferre posse eius cōsciētia iudicauerit.

84 Ultimo die quatruidi mane Congregatio conueniat; & præmissa per aliquantulum temporis arbitrio Generalis oratione, electio Assistentiū fiat. Eligentur autem singuli per scrutinia secreta ad plura medietate suffragia, ita tamen; vt si primo vel secūdo scrutinio nemo erit electus, in tertio, & deinceps in ceteris, inter trestantū illos, qui in proximo scrutinio plura suffragia habuerint, suffragia dari possint. Si qui autem alij alicui ex tribus æquales suffragijs fuerint, simul etiam cū tribus ius habeant passiuū suffragij.

85 Facta electione singuli Assistentes ad mensam, ad quam Pater Generalis sedebit, accedent, & flexis genibus coram imagine Crucifixi, quam supra mensam ad hanc rem esse oportebit, his verbis iurabunt: Testem inuoco Deum, cuius oculis omnia nuda sūt, si acciderit aliquod ex ijs, quæ sufficiunt ad Præpositum officio suo priuandū, simul-

E atque

In 2.
Congr.
d. 27.

latque res per testimonia sufficientia, vel ipsius affirmationem constaret, me fideliter Societati denunciaturum, & Congregationem conuocaturum iuxta Constitutiones.

P. 8. c. 5
5. 4.

De electione Admonitoris.

C A P. II.

2. Cōg. 86 **E**lectis Assistentibus, Admonitor eligendus est, Professus aliquis quattuor votorū siue ex presentibus, siue ex absentibus, aut ex numero Assistentiū, aut ex alijs, homo religiosus moribus, Deo in oratione familiaris, prouecta iā aetate, iudicio bono atque maturo, & affectibus minime turbato; in instituto, & rebus Societatis bene versatus, & illius magnum zelum habens cum discretione, & prudentia coniunctum, minime credulus, minime timidus, & prorsus eiusmodi, vt & Generali gratus credatur fore, & officio rament suo, bonoque Societatis, nullo humano respectu defuturus.

2. al.
Cōg.
2. 1. b

87 Itaque cum omnibus fere rebus Assistentibus similis esse debeat, Assistentium interrogatorium ad capiendā de illo informationem accommodari poterit, adiunctis ijs, quæ cuique ex nona parte Constitutionum capite quarto paragrapho quarto & ex capite secundo, & tertio Examinis, & ex Regulis Admonitoris, atque ex his, quæ hic dicuntur, colligere licebit.

88 Capietur autem informatio de illo, eodem tempore, & eodem modo, quo de Assistentibus, atque ab eisdem personis, & eadem seruandi secreti lege.

89 Eodem die, quo Assistentes electi fuerint, aut cum primum poterit, Congregatio cōueniat, vocatis etiam Procuratoribus, & Secretario, qui in Admonitoris electione suffragij ius habent: Et cum omnes ad arbitrium Generalis aliquantum orauerint, per scrutinia secreta, & ad plura medietate suffragia, & eodem prorsus modo, quo Assistentes

eliguntur, admonitorium eligunt.

In. 2.
Congr.
d. 27.
Can. 15
Cōg. 4

